

**Pianu Locale Unitàriu de
sos servìtzios pro sa pessone –
Distretu Ilartzi-Bosa – Asl n°5**

**GHIA DE INFORMATZIONE
SERVÌTZIOS
SOTZIALES E
SANITÀRIOS**



Comune de Sorradile

Provìntzia de Aristanis

www.comune.sorradile.or.it

**Sotziedade Cooperativa
L'Altra Cultura**

Operadore Sara Firinu



Presentada

Su distretu sòtziu sanitàriu de Ilartzi-Bosa
dat servìtzios e prestatziones sotziales e
sanitàrias.

Diàt èssere cosa bona, pro totus sos
tzidàdinos, su de ischire comente tènner
custos servìtzios e cales sunt sos dèretos
issoro.

Custu tràballu est istadu fatu gràtzias a sos Comunes
de Abbasanta, Ardaule, Bidoniu, Bonàrcadu,
Boroneddu, Bosa, Busache, Cuglieri, Flussiu,
Fordongianus, Ilartzi, Magomadas, Mòdolo,
Montresta, Neoneli, Norghiddu, Nughedu Santa
Vitòria, Paule, Santu Lussurzu, Sàgama, Iscanu,
Sedilo, Sèneghe, Sennariolo, Soddie, Sorradile, Sune,
Taçasune, Tinnura, Tresnuraghes, Ula
e a su Distretu Sòtziu-Sanitàriu Ilartzi-Bosa de sa Asl
n.5 rapresentados dae su PLUS (Pianu Locale
Unitàriu de Servìtzios)

P.U.A.

ITE EST

Est unu sistema de «*accesso unico*» a sa retza de sos servìtzios sotziales e sanitàrios integrados chi serbit pro isseberare su servìtziu prus zustu pro sos bisonzos sòtziu-sanitàrios de sa pessone :

- dat informatziones, valutat e respondet, leende si in càrrigu patzientes cun bisonzos sanitàrios e sotziu-sanitàrios complicados;
- azudat a sa zente a agatare su chi est chircende sena ddi faghene pèrdere tempus zirende dae un'isportellu a s'àteru;
- favoressit sa comunicatzione intre sos operadores sanitàrios e sotziales e sos tzitadinos.

Su PUA podet finas:

- Ativare s'Unidade de valutatzione territoriale pro sos bisonzos prus complicados (comente assistèntzia integrata in domo, riabilitatzione,



a unos cantos ausìlios/presìdios) traballende paris a s'interessadu e/o a sa fàmilia sua o a atera pessone de riferimentu;

- Azudare sa pessone chi torrat a domo a pustis de unu ricòveru in s'ispidale;
- Faghene assistèntzia infermieristica, mèdica e riabilitativa in domo de su malàidu;
- Mandare a in antis s'istrutòria pro pòdere intrare in istruturas residentziales, semi-residentziales e in comunidades protetas (RSA, tzentros de riabilitatzione, comunidades protetas, tzentros diurnos).

CHIE NDE TENET DERETU

Custu servìtziu est pro totus sos tzitadinos de su distretu de Ilartzi-Bosa chi tenent bisonzu de curas sanitàrias e sòtziu sanitàrias cumplessas, foras dae s'ispidale.

COMENTE PRESENTARE SA DOMANDA

Sa domanda pro pòdere tènere sos servìtzios cheret presentada in unu de sos isportellos de su distretu sòtziu sanitàriu.

PUA ILARTZI

Carrela Matteotti n°27 tel 0785.560300

Oràrios : dae su lunis a sa chenàbura

8.30 – 14.00

martis 15.00-18.00

PUA BOSA

Carrela Amsicora n°1 tel 0785.225151

Fax 0785 373230

Oràrios : lunis 8.30 -12.00

Martis 16.00-17.30

Giòbia 08.30-12.00

SERVÌTZIOS SOTZIALES

SERVÌTZIU DE ASSISTÈNZIA DOMITZILIARE

ITE EST

S'assistèntzia domitziliare dda faghet personale chi tenet sos rechisidos inditados dde sa leze. Sas pessones benint azudadas in sas cosas de domo, pro sos bisonzos prus importantes e, si serbit, benint acumpanzadas e cussizadas pro agatare sos servìtzios territoriales.

Sos oràrios, sa cantidade e calidade de azudu sunt istabilidos a segunda de sos bisonzos de onniunu. S'intentu est cussu de ddis permìtere de èssere autònomos o, a su nessi, de bìvere in domo issoro paris cun sa famiglia.

CHIE NDE TENET DERETU


Betzos, malàidos o chie benit lassadu a un'ala dde sos àteros, zente chi non si podet fàghere sas cosas a sa sola o, comuncas, chi non tenet zente chi dda potzat atintzionare.

COMENTE FÀGHERE SA DOMANDA

Sa domanda pro tènner s'assistèntzia domitziliare cheret presentada a s'ufitziu de su Servìtziu sotziale de su Comune de residèntzia.

Dda podet presentare s'interessadu o unu familiare suo cumpilende su mòdulu chi s'atzapat in Comune.

A pustis s'assistente sotziale faeddut cun s'interessadu e andat finas a domo sua pro averiguare sa situatzione sotziale. Su prètziu de su servìtziu cambiat a segunda de su rèdditu.



Pro nd'ischire de prus tocat a preguntare a s'ufitziu de su servìtziu sotziale de su Comune de residèntzia.

REZISTRU ASSISTENTES FAMILIARES

In su rezistru de sos assistentes familiares bi sunt totus sos nùmenes de chie si cheret propònnere a sas famìlias chi nde tenent bisonzu (in ue b'at betzos, malàidos...). S'assistente azudat sas pessones a si samunare, in sos traballos de domo e ddis faghet finas cumpanzia. Podet bìvere cun sa famiglia o traballare a oras, segundu su bisonzu.



COMENTE AGATARE S'ASSISTENTE FAMILIARE

Pro agatare s'assistente chi andat menzus pro sos bisonzos de sa famiglia o de sa pessone si podet bìdere su rezistru e finas preguntare àteras informatziones a su Cesil o a s'ufitziu de sos servìtzios sotziales de su Comune o intrare in su situ www.comune.ghilarza.or.it.

CHIE SI PODET ISCRÏERE

Si podet iscrìere a su rezistru :

- ☐ Chie at fatu 18 annos ;
- ☐ Pro sos istranzos, chie connoschet sa limba italiana e tenet unu permissu de residèntzia;
- ☐ Chie tenet, a su nessi, sa tertza mèdia ;
- ☐ Chie non tenet e no at tentu mai problemas cun sa zustìtzia;
- ☐ Chie est sanu e forte de dossu;
- ☐ Chie tenet una cualifica professionale o un'atestadu de frequèntzia a unu cursu de formatzione professionale pro s'assistèntzia a sa pessone, chi siat duradu a su nessi 200 oras ;
- ☐ Chie at leadu unu titulu de istùdiu in èstero, bàlidu in Itàlia puru ;
- ☐ Chie at fatu unu cursu de formatzione contivizadu dae su Comune o dae àteros Entes pùbblicos, chi siat duradu a su nessi 150 oras;
- ☐ Chie at traballadu comente assistente a pessones bisonzosas pro a su nessi 12 meses e ddu podet cumpbare.

Comune de Ilartzi: 0785561045

Comune de Bosà: 0785.3680

Assistente sotziale: Antonella Piras
340.3854075

Cesil Bosà: 0785.374772

Cesil Ilartzi: 0785.565023

Cesil Nughedu Santa Vitòria: 0783.69026

ASSEGNU DE CURA

S'assegnu de cura est un'azuadu in dinari, de



3.000 èuros, chi su Comune dat, totu in una borta, a sa famìlia in ue b'at

disàbiles. Si si leat custu finantziamentu non si nde podet tènneru cussu de su programma regionale puru «Ritornare a casa».

CHIE NDE TENET DERETU

Nde tenent deretu totus cussas famìlias cun unu rèdditu chi no siat prus artu de 32.000,00 èuros e in ue bi siant prus pessones cun disabilitade grave chi sunt in sas graduatòrias de sos pianos persolalizados de sustennu, inditados dae sa leze n.162 de su 21 de maju 1998.

COMENTE FÀGHERE DOMANDA

Sa domanda cheret presentada a su Comune de residèntzia de su beneficiariu de su pianu L.162/98 chi nche dda mandat a sa Direzione zenerale de sas Políticas sotziales de s'Assessoradu regionale de Igiene e sanidade e de s'assistèntzia sotziale



Pro nd'ischire de prus, pregunta a s'ufitziu de su servìtziu sotziale de su Comune in ue tenes sa residèntzia

PROZETU « TORRARE A DOMO »

ITE EST



S'intentu de su programma est cussu de azudare sas pessones chi fiant in istruturas

residentziales o sotziales e/o sanitàrias, a torrare in fàmilia, o in cale si siat logu in ue bi siat un'ambiente familiare, o a fàghere a manera chi non siant ricoveradas.

Cun custu prozetu si cheret mezorare sa calidade de sa vida de su malàidu ma finas azudare sa fàmilia chi dda devet assistere. Si faghet gràtzias a s'organizatzione de sa retza de servìtzios e a s'azuðu (finas in dñari) a su familiare malàidu (delìbera G.R. n. 49/14 de su 7.12.2012).

CHIE NDE TENET DERETU

Podent tennere su finantziamentu de su prozetu «Torrare a domo»:

- Pessones chi nche sunt essende dae istruturas residentziales de tipu sotziale e/o sanitàriu in ue sunt abarradas pro a su nesi 12 meses ;

- Pessones cun *patologias degenerativas non reversibiles* in ventilatzione assistida o in coma;
- Pessones chi sunt a canta de si nche mòrrere;
- Pessones cun problemas sèrios a sa conca e chi, segundu s'Unidade de valutatzione natzionale (UVN) cumpetente sunt a su livellu 5, segundu s'iscala de sa *Clinical dementia rating scale* de su 2012.



BENEFÌTZIOS

- Sas pessones chi bivent in istruturas residentziales de tipu sotziale e/o sanitàriu tenent sa possibidade de torrare a domo;
- Sas pessones malàidas chi zai bivent in domo podent mezorare sa calidade de sa vida issoro;
- Azuðu pro sas fàmiliyas chi divent assistere su malàidu.

COMENTE FÀGHERE DOMANDA

Sa domanda devet èssere presentada a su Comune de residèntzia paris cun sa tzertificatzione de su dotore e sa decraratzione ISEE.

Su Comune nche dda mandat a s'UTV pro àere su parre suo e, a pustis, nche mandat paris su prozetu personalizadu e sa valutatzione de s'UTV a s'Assessoradu regionale de igiene, sanidade e assistèntzia sotziale pro pòdere tennere su finantziamentu.

Su prozetu podet èssere presentadu in cale si siat mese de s'annu.

Chie tenet su finantziamentu de su prozetu «torrare a domo» non podet tennere cussu de sos pianos personalizados pro pessones cun disabildade grave inditados in sa leze n. 161 de su 21 de maju 1998.

Pro nd'ischire de prus, pregunta a s'ufitziu de su servìtziu sotziale de su Comune in ue tenes sa residèntzia

PIANU PERSONALIZADU PRO PESSONES CUN DISABILIDADES GRAVES

Leze 162/98

ITE EST

S'intentu de sos interventos est cussu de fàghere a manera chi sas pessones chi non sunt autosufitzientes, potzant comuncas abbarrare in domo issoro. S'azuadu benit dadu cun curas e assistèntzia domitziliare integrada. Sos interventos sunt diferentes a segunda de sos bisonzos.

CHIE NDE TENET DERETU

Podent gosare de sos finantziamentos de sos pianos personalizados sos chi sunt residentes in Sardigna e chi tenent una tzertificatzione chi prova sa disabilitade grave (art. 3, comma 3, Leze 104/92).



Sos pianos personalizados podent previdere custos servìtzios :

- ☐ Assistèntzia personale e/o domitziliare (s'assistèntzia personale est cussa a sa pessone sende chi cussa domitziliare pertocat su logu in ue bivet sa pessone);
- ☐ Acatu in tzentros diurnos autorizados, cun pagamentu de sa cuota sotziale ;
- ☐ Permanèntzia in istruturas sotziales e/o sòtziu-sanitàrias residentziales autorizadas, pro non prus de 30 dies a s'annu, cun pagamentu de sa cuota sotziale ;
- ☐ Atividades isportivas e/o de sotzializatzione (non nde podet gosare chie tenet prus de 50 o 60 annos);
- ☐ Servìtziu educativu (non nde podet gosare chie tenet prus de 65 annos).

COMENTE FÀGHERE DOMANDA

Sa pessone disàbile interessada, o unu delegadu suo, (tutore, titolare de sa pàtria podestade, amministradore de sustegnu) devet preguntare a su Comune de residèntzia chi aprontet unu pianu personalizadu, presentende custos documentos:

- ☐ ùrtima decraratzione ISEE;
- ☐ autotzertificatzione de sa capatzidade econòmica de su destinatàriu de su pianu;
- ☐ tzertificatzione chi cumprobet sa disabilitade grave (art.3, comma 3, leze 104/92) ;
- ☐ Ischeda sanitària cumpilada dae su dotore de famiglia, dae su pediatra isseberadu o dae s'ispetzialista de riferimentu.

At a èssere semper su Servìtziu Sotziale a aprontare s'ischeda sotziale de nche mandare paris a su pianu personalizadu.

**Pro nd'ischire de prus, pregunta a s'ufitziu
de su servìtziu sotziale de su Comune in ue
tenes sa residèntzia**

CONTRIBUTOS PRO NCHE BETARE SAS BARRIERAS ARCHITETÒNICAS

ITE EST

Sa Regione, pro mèdiu de su Comune de residèntzia, dat a sas pessones cun disabilitàes contributos (chi non si nche divent torrare) pro nde leare sas barrieras architètònicas in cussas domos fatas in antis de sa leze n.13 de su 09.01.1989.

Sos contributos non benint dados pro edifitzios pùblicos e pro cussas domos chi non sunt galu agabadas. Sa domanda si podet fàghere pro nche betare cussas barrieras architètònicas chi dant a sa pessone problemas pro nch'intrare o pro bi bìvere (baghos, iscalas..).



CHIE NDE TENET DERETU

Su portadore de handicap (pessones chi tenent problemas a si mòvere e finas sos tzurpos), o chie nde tenet sa podestade o sa tutela, o s'amministradore de sa domo in ue su portadore de handicap tenet sa residèntzia o su domitziliu.

COMENTE FÀGHERE DOMANDA

Sa domanda cheret presentada a su Comune de residèntzia paris a custos paperis:

- ☐ Domanda in carta bullada, fata sighende s'ischema aprontadu dae s'Assessoradu Regionale;
- ☐ Tzertificadu de su dotore;
- ☐ In casu de invalididade totale, tzertificadu ASL (o una còpia autenticada) chi cumprobet s'invalidade totale chi cumportat problemas a si mòvere e camminare;
- ☐ Permissu de su mere de sa domo, si custu e su chi at fatu domanda non sunt sa matesi pessone;
- ☐ Còpia de su preventivu de ispesa;
- ☐ Còpia de sos documentos de identidade de chie faghet domanda e de chie tenet deretu a su contributu.



Sa domanda cheret presentada intro de su 01 de martzu de onni annu

Pro nd'ischire de prus, pregunta a s'ufitziu de su servìtziu sotziale de su Comune in ue tenes sa residèntzia

SERVÌTZIOS SANITÀRIOS

CURAS DOMITZILIARES

ITE SUNT

CDP: (Curas domitziliaries programmaḋas) sunt detzisas ḋae su ḋotore de meditzina zenerale e sunt vīsitas programmaḋas a ḋomitziliu de su ḋotore e/o infermieri o de su terapista de sa riabilitatzione.

CDI/ADI: (Curas domitziliaries integraḋas o Assistēntzia domitziliare integraḋa) est s'assistēntzia a sa pessone, in domo sua, segundu unu pianu personalizaḋu; sunt unas cantas atividades mèdicas, infermierīsticas, riabilitativas e sanitàrias integraḋas cun sos interventos sotziales.

PRO CHIE EST SU SERVÌTZIU

Su servìtziu est pro cussas pessones chi non sunt autosufitzientes, cun bisonzos sanitàrios e/o sòtziau-assistentziales chi non si podent curare in s'ispidale.

Sunt :

- ☐ Betzos cun malaḋias sērias chi ḋḋos rendet invàlidos pro tempus;
- ☐ Pessones cun problemas vascolares sērios;
- ☐ Patzientes in «dimissione proteta»;

- ☐ Pessones malàidas chi sunt a canta ḋe si nche mòrrere;
- ☐ Pessones chi tenent problemas a alenare e sunt in «*ventilazione prolungata*»;
- ☐ Malàidos de can cru chi sunt impeorende;
- ☐ Pessones cun problemas a su coro e a sa conca chi tenent difficultade a si mòvere;
- ☐ Pessones prenas de piagas pro su tempus passaḋu in su letu.



COMENTE DDOS ATIVARE

Sos servìtzios benint ativaḋos cun una sinnalatzione iscrita a su «*Punto Unico d'Accesso*» de s'Azienda Sanitària locale de appartenēntzia, faḋa ḋae:

- ☐ Su ḋotore de famiglia;
- ☐ Su servìtziau sotziale de su Comune;
- ☐ Su responsàbile de s'ispidale;
- ☐ Sa famiglia de su malàidu;
- ☐ Assòtzios de volontariadu.

PUA ILARTZI

Carrela Matteotti n°27 tel 0785.560300 – fax 0785 560347

Oràrios: ḋae su lunis a sa chenàbura
8.30 – 14.00
martis 15.00–18.00

Unidade Operativa ADI de Ilartzi

Carrela Matteotti n°27 tel 0785.560311 – fax 0785 560340

PUA BOSA

Carrela Amsicora n°1 tel 0785.225151 fax 0785 373230
Fax 0785 373230

Oràrios : lunis 8.30 -12.00
Martis 08.30-14.30 e 16.00-17.30
Giòbia 08.30-14.30 e 16.00-17.30

Unidade Operativa ADI de Bosa

Carrela Amsicora n°1 tel 0785.225152
fax 0785 373230

DOMANDA DE PRÒTESI, AUSÌLIOS E PRESÌDIOS

ITE EST

A totus sos chi nde tenent bisonzu, ant a èssere dados sos presìdios/ausìlios prevìdidos dae sa leze.

CHIE NDE TENET DERETU

Tenent deretu a s'assistèntzia:

- ☐ Pessones cun disabilitàes particulares;
- ☐ Invàlidos tziviles reconnotos o pessones chi ant presentadu sa domanda a sa commissione pro sas invalididades tziviles;
- ☐ Patzientes chi sunt istados insertados in sa ADI cun rechesta de su Dotore de Meditzina Zenerale.



COMENTE FÀGHERE DOMANDA

Pro fàghere domanda serbint custos paperis:

- ☐ S'òrdine de un'ispetzialista de un'istrutura pùblica de su presìdiu o ausìliu petidu, presentadu in su mòdulu a posta, a su servìtziu de assistèntzia protèsica, in sa ASL;
- ☐ S'òrdine de su Dotore de meditzina zenerale pro sos patzientes iscritos in s'ADI;
- ☐ Tzertificadu de invalididade tzivile reconnota o còpia de sa domanda fatta;

Pròtesi, presìdios e ausìlios benint frunidos a pustis de unu controllu sanitàriu e de su permissu de:

- ☐ Sos ufitzios de assistèntzia protèsica;
- ☐ Ditas ispetzialidades e autorizadas, isseberadas dae su malàidu, chi siant in un elencu regionale a posta, si sos ufitzios protèsicos non tenent su chi est istadu preguntadu.

UFÌTZIU PRÒTESI ILARTZI

Carrela Matteotti n°27 – 1° Pianu –
tel 0785.560335 –

Oràrios : dae su lunis a sa chenàbura
8.00 – 11.00
martis 15.00–18.00

UFÌTZIU PRÒTESI BOSA

Carrela Amsicora n°1 tel 0785.225153

Oràrios : dae su lunis a sa chenàbura
8.30 –12.00

PROTZEDURAS PRO RECONNÒSCHERE S'INVALIDIDADE TZIVILE

INVALIDIDADE TZIVILE

CHIE PODET ÈSSERE RECONNOTU COMENTE INVÀLIDU TZIVILE

- ☐ Totus sos tzitadinos chi tenent un'edade intre sos 18 e sos 65 annos, invàlidos a su puntu de pòdere traballare pagu o nudda;
- ☐ Su minore chi tenet problemas a fàghere a sa solà còmptos e totus sas àteras cosas chi faghent sos de s'edade sua;
- ☐ Chie tenet prus de 65 annos e tenet problemas a fàghere totus sas cosas chi faghent sos de s'edade sua (indennidade de accompagnamentu);
- ☐ Sos tzurpos e sos surdos e mudos.

CHIE NDE TENET DERETU

- ☐ Sos tzitadinos italianos;
- ☐ Sos istranzos residentes in Itàlia.



PROTZEDURAS PRO SU RECONNOSCHIMENTU DE S'INVALIDIDADE TZIVILE

- Su tzitadinu devet preguntare unu tzertificadu a su dotore suo; su dotore nche ddu mandat pro via *telemàtica* e a su malàidu nde ddi lassat una còpia cun su còdighe identificativu de s'INPS;
- Su tzitadinu, intro de 30 dies dae cando tenet su tzertificadu, presentat sa domanda a s'INPS cun su còdighe identificativu: nche ddu podet mandare, bi podet andare issu o ddu podet fàghere fàghere a unu patronadu o assòtziu de invàlidos;
- S'INPS faghet ischire a s'interessadu sa data, s'oràriu e su logu de sa visita chi at a fàghere sa Commissione ASL de cumpetèntzia. Sa data podet èssere cambiada si s'interessadu tenet istorbu ma ddu devet fàghere ischire intro de 30 dies dae cando nche mandat sa domanda (15 ebbia si tenet cancri).
- Su patziente si devet presentare pro sa visita in sa die istabilida, cun totus sos paperis sanitàrios, originales e còpias, e finas cun unu documentu de identidade;
- Si non si podet mòvere, podet preguntare sa visita a domo. In custu casu, in antis nche devet mandare a sa Commissione ASL de cumpetèntzia sa rechesta fata dae su dotore

de Meditzina Zenerale chi a pustis nche dda mandat a s'INPS.

DOMANDA DE IMPEORAMENTU

Totus sos tzitadinos reconnotos comente invàlidos, in casu impèorent sas cunditziones de salute, podent preguntare un'àteru atzertamentu sanitàriu pro torrare a valutare s'invalididade. Sa domanda cheret mandada a s'INPS, comente sa prima etotu.

RECURSOS

Si podet fàghere recursu contra de sos verbales fatos dae sa Commissione mèdica intro de 180 dies dae sa notìfica, a sa solà o cun s'azuadu de unu patronadu.

REVISIONE

Si in su verbale si narat chi cheret fata sa revisione de s'istadu de invalididade, su malàidu devet presentare istàntzia, gasi comente narat sa leze.

Sa Commissione Mèdica Legale de s'INPS, pro sos chi sunt istados zai reconnotos comente invàlidos, podet in cale si siat momentu e sena dare preavisu perunu, fàghere visitas istraordinàrias pro averiguare sos rechisidos. In custas ocasiones podet finas mudare su zudìtziu.

GRADOS DE INVALIDIDADE E BENEFÌTZIOS

INVALIDIDADE	RECONNOSCHIMENTOS
34%	Invàlidu tzivile: pròtesi e ausìlios
46%	Iscritzione in sas listas ispetziales pro su collocamentu obligadòriu a su traballu, edade 18-65 annos
67%	Esentzione dae su ticket pro totus sos servìtzios sanitàrias
74%	Assegnu de invalididade tzivile (dependet dae su rèdditu)
100%	Assegnu de invalididade tzivile (dependet dae su rèdditu)
100%	Assegnu de invalididade tzivile + indennidade de acumpanzamentu (Leze 118/80)

BENEFÌTZIOS ECONÒMICOS

Sos chi tenent prus pagu de 18 annos, reconnotos dae sa cummissione comente pessones chi non podent fàghere totus sas cosas chi faghent sos de s'edade issoro, tenent :

- ☐ Indennidade de frequèntzia (o)
- ☐ Indennidade de acumpanzamentu.

Sos **tzurpos tziviles assolutos** podent tènnere s'indennidade de acumpanzamentu; Sos **tzurpos ventesimisti** podent tènnere s'assegnu cunforme a su rèdditu, segundu paràmetros istabilidos onni annu dae sa Leze Finantziària.

Sos **surdos e mudos** podent tènnere s'assegnu e s'indennidade de comunicatzione;

Sos **invàlidos a su 100%**, chi tenent prus de 65 annos, podent tènnere s'indennidade de acumpanzamentu si non podent camminare o fàghere a sa sola sas cosas fitianas.



LEZE 104/92 RECONNOSCHIMENTU DE SA CUNDITZIONE DE HANDICAP

Totus sos tzitadinos (finas a sos 65 annos) chi tenent problemas a sa carena, a sa conca, o a sos senso, chi ddis portant problemas a imparare, a istare paris cun sos àteros o a agatare unu traballu, gasi mannas de ddis portare a èssere disamparados o postos a un'ala dae sos àteros, podent presentare domanda pro chi s'handicap issoro siat reconnotu.

Sa protzedura pro fàghere domanda est sa matessi de cussa pro averiguare s'invalididade tzivile.

Sa Cummissione Asl chi devet fàghere s'averiguamentu mèdicu e legale faghent unu verbale cun sa valutatzione chi podet pertocare:

- ☐ Pessones chi tenent unu handicap (art.3 comma 1 Leze 104/92);
- ☐ Pessones chi tenent unu handicap grave tantu de non pòdere èssere autònomos e de èssere custringtos a pedire assistèntzia 24 oras a sa die (art.3 comma 3, Leze 104/92).

BENEFITZIOS

Gràtzias a sa Leze 104/92, art. 3 Comma 3, s'interessadu, su babbu e sa mamma de su minore o sos parentes (de sàmbene o de intradura) finas a su de tres graços tenent custos benefitzios:

- ☐ permissos dae su traballu;
- ☐ Issèberant in antis de àteros collegas sa sea de traballu e non podent èssere trasferidos sena su cunsensu issoro;
- ☐ Tenent benefitzios fiscales e sussìdios tècnicos e informàticos www.agenziaentrate.gov.it;
- ☐ Pianos personalizados.



INDENNIDADE DE ACUMPAZAMENTU

S'indennidade de acumpanzamentu, nàschida cun sa Leze n.18 de su 1980 e, a pustis, cun sa Leze 508/88, est un'azuadu in dinari a càrrigu de s'INPS. Dda podent tènner sos invàlidos totales, cun maladias a sa conca o a sa carena chi non si podent mòvere a sa sola o non podent fàghere sas cosas fitianas de sa vida.

A die de oe non b'at vînculos de etàde o rèdditu.

PROTZEDURAS PRO S'INDENNIDADE DE ACUMPAZAMENTU

Pro tènner s'indennidade de acumpanzamentu su tzitadinu devet fàghere domanda a s'INPS. Sa protzedura est sa matessi de cussa pro tènner su reconnoschimentu de s'invalididade tzivile. Su tzertificadu de su dotore devet cunfirmare chi sa persone tenet bisonzu de assistèntzia 24 oras a sa die ca non podet fàghere a sa sola sas cosas fitianas de sa vida o non si podet mòvere.

BENEFITZIOS NON ECONOMICOS

Intra sos benefitzios non econòmicos, inditados dae sa norma, nd'at àteros:

- ☐ Impreu de sos mèdios pùblicos de trasportu de badas o a prètziu prus bassu;
- ☐ Impreu de sos parchègios reservados a sos invàlidos;
- ☐ Prètziu prus bassu de su bullete de s'aèreo pro sos invàlidos totales cun indennidade de acumpanzamentu;
- ☐ Carta blu, pro sos invàlidos totales, titulares de indennidade de acumpanzamentu pro viazos de badas in trenu;
- ☐ Tassa de badas pro intradas carràbiles;
- ☐ Tassas iscolàsticas e universitàrias de badas o casi ;
- ☐ Reconnoschimentu de duos meses de contributos figurativos pro onni annu de servìtziu fatu in amministraziones pùblicas, aziendas o cooperativas (invalididade prus arta de su 74%).



LEZES DE SETORE

PRESTATZIONI DE ASSISTENZA INDIRETTA IN TERRITORIO NAZIONALE O FORAS DAE S'ITALIA

LEGE REGIONALE 23 DE TRILAS 1991,
N.26

ITE EST

Totus sos tzitadinos italianos podent tenent deretu a s'assistenza sanitaria in cale si siat istrutura pubblica o privada (in casos particulares).

Sa Leze 26/91 previdit pro sa Regione Sardinia sa possibilitade de tennere su rimbursu de totus sas ispesas.

CHIE NDE TENET DERETU

- ☐ Sos tzitadinos chi tenent bisonzu de curas e non ddas podent tennere in sa Regione issoro;
- ☐ Sos tzitadinos apretados dae sa maladia chi non podent isetare;
- ☐ Sos tzitadinos chi nche sunt istados cambiados dae s'ispidale regionale a un'ateru foras dae sa regione.



COMENTE FÀGHERE DOMANDA

Pro tennere custu benefitzu bi cheret in antis s'autorizzazione de sa ASL de cumpetentzia.

Tocat a andare a s'ufitzu «ricoveri extra regione», preguntare su mòdulu de autorizzazione e a ddu presentare paris a sa relazione de su dotore ispetzialista in ue si narat sa cura chi serbit, s'impossibilitade de dda tennere in sa regione in ue si bivet e finas su bisonzu, pro s'interessadu, de èssere acumpanzadu.

Tocat a portare fintzas una còpia de su documentu de identidade, de su còdighe fiscale, una còpia de su documentu cun sa declarazione de issèberu de su dotore o pediatra e una còpia de sa cartella clinica.

Sos minores e sos chi tenent maladias graves tenent deretu a èssere acumpanzados.

Pro pòdere tennere su rimbursu, cando si torrat a domo tocat a andare a sa ASL a s'ufitzu «ricoveri fuori regione» e presentare:

- ☐ Sa relazione fata dae s'istrutura chi at dadu su servitziu, cun data e firma (o fozu de dimissione) chi cumprobat chi sa cura chi fiat istada autorizada est istada fata;
- ☐ Totu sa documentazione de sas ispesas de viazu e permanenza (in sos casos prevididos dae sa leze ebbia);
- ☐ Declarazione de s'istrutura sanitaria chi narat chi bi fiat a beru un'acumpanzadore pro totu su tempus de sa cura.

Ufitziu Assistenza Extra Regione

Via Matteotti 27, Ilartzi

Tel. 0785.560306 – fax 0785.560347

Oràrios

Dae su lunis a sa chenàbura 08.30-11.30

Su martis sero 15.30-18.00

SUSSÌDIOS PRO PESSONES MALÀIDAS DE NEOPLASIA MALIGNA

Leze Regionale 03 de Nadale 2004, n.9


ITE EST

Sa Regione dat, pro mèdiu de sos Comunes, azudos in dinari a sas pessones malàidas de neoplasia maligna, residentes in Sardigna.

Custos azudos benint dados tenende contu de su rèdditu e de su nùmeru de pessones chi bivent in famiglia e pagant sas ispesas de viazu e permanèntzia fatas pro si pòdere curare in ispidales chi non sunt in su Comune in ue si bivet.

Sos interessados divent presentare sa domanda a su Comune de residèntzia.

Su deretu a tènnere su sussìdiu incumentzat sa matessi die chi incumentzat sa cura.



CHIE NDE TENET DERETU

Podent tènnere custu benefitziu sas pessones malàidas de neoplasia maligna chi :

- ☐ Sunt residentes in Sardigna;
- ☐ Si curant cun regularidade.

COMENTE FÀGHERE DOMANDA

Pro tènnere su rembursu sas pessones interessadas divent fàghere domanda a su Comune de residèntzia intro de ses meses dae cando incumentzat sa cura.



DOCUMENTATZIONE

A su Comune de residèntzia tocat a presentare:

- ☐ Domanda de rembursu, fata in su modellu aprontadu dae su Comune;
- ☐ Tzertificadu de residèntzia;
- ☐ Tzertificadu de nàschida;
- ☐ Istadu de famiglia;
- ☐ Tzertificadu cun su rèdditu;
- ☐ Refertu diagnòsticu fatu dae un'ispidale, tzentru universitàriu o àtera istrutura pùblica.

Pro nd'ischire de prus, pregunta a s'ufitziu de (su) servìtziu sotziale de su Comune in ue tenes sa residèntzia

SUSSÌDIOS ECONÒMICOS PRO PESSONES CVN PROBLEMAS A SA CONCA

LEZE REGIONALE 30 DE MAJU 1997,
N.20

ITE EST

Sas pessones chi tenent malàdias a sa conca podent tènner sùssìdios econòmicos dados dae sa Regione pro mèdiu de sos comunes. Est un'assegnu chi benit daqu cada mese a incumentzare dae sa prima die de su mese a pustis a cussu chi est istada presentada sa domanda.

Su tantu de s'assegnu benit istabilidu onni annu dae s'Assessoradu chi tenet contu de unos cantos paràmetros e de su redditu.



CHIE NDE TENET DERETU

Pro pòdere tènner custu sùssìdiu, sas pessones malàidas divent :

- ☐ Tènner sa residèntzia in Sàrdigna;
- ☐ Tènner una de sas malàdias psichiàtricas inditadas in s'allegadu A, artìculu 7 de sa Leze Regionale n.15 de su 1992 (integradu dae s'artìculu 16 de sa Leze Regionale n.20 de su 1997;
- ☐ Èssere assìstios dae sos servìtzios sanitàrios chi s'incurant de salute mentale;



COMENTE FÀGHERE DOMANDA

Sos interessados divent presentare domanda a su Comune in ue sunt residentes, imprende sa modulistica aprontada dae s'Ente e divent finas atzùnghere custos paperis:

- ☐ Tzertificadu de nàschida;
- ☐ Tzertificadu de residèntzia e istadu de famiglia;
- ☐ Tzertificadu cun su rèdditu;
- ☐ Tzertificadu de su dotore ispetzialista.

Pro nd'ischire de prus, pregunta a s'ufitziu de su servìtziu sotziale de su Comune in ue tenes sa residèntzia

SUSSÌDIOS PRO PESSONES MALÀIDAS DE TALASSEMIA, EMOFILIA E EMOLINFOPATIA MALIGNA

LEZE REGIONALE 25 DE SANTANDRIA
1983, N. 27

ITE EST

Sa Regione, pro mèdiu de sos Comunes, dat azudos in dinari a sas pessones malàidas de talassemia, emofilia o emolinfopatia maligna chi sunt residentes in Sardigna.

Custos sussìdios benint dados tenende contu de su rèdditu e de su nùmeru de pessones chi bivent in fàmilia;

Cunsistint in un'assegnu dadu cada mese e in su rimbursu de sas ispesas de viazu e permanèntzia pagadas pro sas curas in sos ispidales o tzentros

universitàrios autorizados chi sunt in unu Comune sardu chi non est cussu in ue si bivet.

Su sussìdiu si dat a incumentzare dae sa prima die de su mese a pustis a cussu chi est istada presentada sa domanda.

CHIE NDE TENET DERETU

Nde tenent deretu sas pessones malàidas de talassemia, emofilia o emolinfopatia maligna chi:

- ☐ Sunt residentes in Sardigna;
- ☐ Tenent bisonzu de si curare cun regularidade.

COMENTE FÀGHERE DOMANDA

Sos interessados divent presentare a su Comune de residèntzia custos paperis:

- ☐ Domanda de sussìdiu in su mòdulu aprontadu dae s'Ente;
- ☐ Tzertificadu de residèntzia;
- ☐ Tzertificadu de nàschida;
- ☐ Tzertificadu cun su rèdditu;
- ☐ Refertu ematològicu e tzertificatzione diagnòstica de s'ispidale o de su tzentru universitàriu autorizadu;

A su postu de sos tzertificados, francu cussos de su dotore, si podet presentare una declaratzione, in carta simple, firmada dae s'interessadu.

Pro nd'ischire de prus, preguntà a s'ufitziu de su servìtziu sotziale de su Comune in ue tenes sa residèntzia



CUNTRIBUTOS PRO SOS NEFROPÀTICOS LEZE REGIONALE N.11/85

NORMAS NOAS PRO DARE AZUDOS IN DINARI A SOS NEFROPÀTICOS

ITE SUNT

Sos cuntributos pro sos nefropàticos sunt azudos econòmicos chi sa Regione Sardigna dat, pro mèdiu de su Comune, a sos tzitadinos nefropàticos dializados (chi faghent sa diàlisi).

Podent èssere:

- ☐ Assegnos mensiles;
- ☐ Rimbursos de sas ispesas de viazu, trasportu e permanèntzia si sa diàlisi non si faghent in su Comune de residèntzia;
- ☐ Cuntributos a sos nefropàticos chi faghent un'interventu de trapiantu a sos renes;
- ☐ Azudos in dinari pro sas ispesas de aprontadura de sos locales pro su tratamentu dialiticu, pro sas ispesas de lughe, abba, telèfono fatas dae sos nefropàticos chi faghent su tratamentu in domo.

CHIE NDE TENET DERETU

Podent tènner su benefitzu sos nefropàticos chi:

- ☐ Sunt residentes in Sardigna e faghent sa diàlisi;
- ☐ Bi podent intrare pro rëdditu, comente inditat sa leze;
- ☐ Non tenent deretu a rimbursos o a trasportu de badas dae parte de entes previdenziales o assicurativos.



COMENTE FÀGHERE DOMANDA

Sos interessados divent presentare a su Comune de residèntzia:

- ☐ Tzertificadu de nàschida;
- ☐ Tzertificadu de residèntzia e istadu de famìlia;
- ☐ Tzertificadu de su dotore in ue si deccarat sa cundizione de

nefropàticu chi tenet bisonzu de tratamentu dialiticu regulare;

- ☐ Tzertificadu cun su rëdditu cumplessivu pro su càrculu de s'IRPEF;
- ☐ Decraratzione sostitutiva, fata in sas formas de leze, dae in ue resurtat chi chie faghent domanda non tenet deretu a rimbursos pro sa matessi cosa dae parte de entes previdenziales o assicurativos o de àteros entes, finas segundu normativas istatales e regionales.

Pro presentare sa domanda non b'at iscadèntzia peruna.

Su cuntributu si podet leare dae cando s'incumentzat su tratamentu dialiticu.

Pro pòdere tènner su rimbursu de sas ispesas de viazu, trasportu o permanèntzia pro sa diàlisi, sos interessados, paris a sa domanda, divent presentare:

- ☐ Sa documentatzione de sas ispesas de viazu;
- ☐ Tzertificatzione de su sanitàriu responsàbile de su tzentru de diàlisi o de unu sustitutu suo, in ue si deccarat cantu est duradu su tratamentu e si su malàidu dd'at fatu

abarrende semper in s'ispidale o nono;

- ☐ Fozu sanitàriu in ue si deçrat chi b'at bisonzu de un'acumpanzadore pro su nefropàticu chi fàghet sa diàlisi.

Sos nefropàticos chi faghent un'interventu de trapiantu a sos renes, paris a sa domanda divent pònnere:

- ☐ Sa documentatzione presentada pro pòdere tènner s'assegnu mensile;
- ☐ Sa documentatzione de s'ispidale autorizadu chi at fatu s'interventu, chi provat chi su trapiantu est istadu fatu.

Sos nefropàticos chi faghent un'intervetu de trapiantu a sos renes, pro tènner su rimbursu de sas ispesas de viazu, trasportu o permanèntzia, paris a sa domanda divent presentare:

- ☐ Sa documentatzione presentada pro pòdere tènner s'assegnu mensile;
- ☐ Sas documentatzione de sas ispesas de viazu;
- ☐ Sa documentatzione sanitària chi provat chi su trapiantu est istadu fatu e cantu tempus su malàidu est abarradu in s'ispidale;

- ☐ Su fozu sanitàriu in ue si deçrat chi su nefropàticu devet èssere acumpanzadu dae chie ddi donat s'òrganu e/o dae un'àteru acumpanzadore.

Pro sos cuntributos preguntados dae chie faghent sa diàlisi in domo, tocat a pònnere finas:

- ☐ Sa matessi documentatzione presentada pro pòdere tènner s'assegnu mensile;
- ☐ S'autorizatzione a fàghere sa diàlisi in domo de su servìtziu de emodiàlisi in ue su malàidu e s'assistente suo ant fatu su cursu;
- ☐ Su tzertificadu chi cumprobat chi bi sunt totus sos rechisidos inditados in sos artìculos 6, 7, 12 de su Decretu de su Presidente de sa Giunta Regionale de su 16 de cabudanni 1977, n. 127;
- ☐ Sa documentatzione chi cumprobat chi totus sas ispesas pro aprontare sos locales pro su tratamentu de diàlisi (acontzos, atretzaduras) sunt istadas pagadas;
- ☐ Sa deçratzione de su sanitàriu responsàbile de su tzentru de diàlisi chi cumprobat chi sa diàlisi est istada fata cun regularidade e chi

s'assistente suo est istadu presente onni mese pro totu su tempus de sa diàlisi.

NÙMEROS CHI PODENT ABISONZARE



PVA Distretu Sanitàriu de Ilartzi

Via Matteotti n°27

tel.0785.560300 fax 0785.560347

PVA Distretu Sanitàriu de Bosa
Via Amsìcora n°1 tel.0785.225151 fax
0785.373230

Inps Aristanis 0783.7901